

KUZANGA CHA KAYE HALUSES A LWA MUTU

KUPUTUKA

Chakutamo hakwitavila wulemu wa Lusesa Iwa Mutu wosena mu chiyoyelo chenyi, Nakupwa nakuliyoyela chakuhona kupwa nawoma, kaha atela kupwa nachiyoyelo chakuwunda mu Kaye.

Chapwa chakutamo kuhasa kukanyisa jijila jize jakuyanjisilamo Mutu, kaha makuwana nawa jijila jeka Mutu nahase kuyoyelamo muno mu Kaye mwahasa kupwa na Lusesa Iwakuhasa kulihanjikila, kupwa nachinyingi chakutanga mazu akalunga mwazanga chakuhona kupwa nawoma.

Chapwa chakutamo Mutu kuhona kumushinjila kulinga vyuma vyavipi navihasa kumuwanyisa kukaluhwa mu chiyoyelo chenyi kupwa nge jila yakukumishilako, Lushimbi Iwakufwana ngana Iwatela kupwako.

Chapwa chakutamo kuneha chivwashano nawusepa mukachi kamafuchi.

Chapwa nawa chakutamo Vatu vamu Liwuka ly United Nations kweseka nakuzanga chavo kumona nge kuli kweseka hamwe muchiyoyelo chavo chamalunga na mapwevo mangana vhase kupwa vakweseka hamwe muchiyoyelo chavo.

Chakutamo nawa mafuchi amuchikungulwilo kana chazango ya Lushimbi yakulivwashana vanalishiki mukachi kavo kuhasa kulivwashana na Mafuchi amu United Nations kuhasa kutwala kulutwe chivwashano kana kaha nakukavangiza nawa jingolo ja Lusesa Iwa Mutu jakupwa wakulizachila nakulitambukila mukuyoya chenyi.

Chapwa nawa chakutamo nakumona nge kuli chivwashano cha jishimbi ja Lusesa kana ja Mutu kwesekesa nalushiko Iwa chivwashano ech.

Chivwashano kana ech cha Lusesa Iwajingolo ja Mutu chatela kuchitachikiza nakuchikavangiza kuvatu vosena vamu vamuchivulu muchiyoyelo chavo, nakulama nawa lushiko Iwa chivwashano kana mukachi ka Vatu vosena hamwe na Mafuchi atwama mu Chikungulwilo kana chazango eyi ya Chivwashano.

Chihanda 1

Vatu vosena vasemuka yapwa hohamwe nakweseka mukuyoya chavo. Vatwama nachiyoyelo chalusesa chajingolo chakuzanga kulivwashana muchiyoyelo chavo.

Chihanda 2

Mutu wosena atwama nalusesa Iwajingolo josena eji vetavila mukaye jakuhona kulihandununa chakufwana nge kulitala havikova, miyachi, kulihandununa chavatu vamukaye mukusemuka chavo hamwe namukutwama chavo hano hakaye.

Kakwechi kupwa kukalihandununa mwomwo wajishimbi, jizango chipwe kulihandununa chamafuchi mujishimbi namuchiyulo chipwe lifuchi kuze afuma mutu, chipwe lifuchi lyakulimanyina, lyalifwelela muchiyulo chalyo, kalyaliyula liveneko, chipwe lyapwa kanda lilimanyine muchiyulo.

Chihanda 3

Mutu wosena analusesa Iwachiyoyelo chenyi, kupwa wakusokoka kaha mutu vanahase kukinga.

Chihanda 4

Kakwechi kukapwa mutu mwakapwa muwundungoko, kuzata milimo yakushinjila yawana, nawundungo wakukwata datu navakawukanyisa mujijila josena.

Chihanda 5

Kakwechi kukapwa mutu navakayanjisa mujijila josena jajipiko chipwe kumuuhombwanyisa numba kumuzangamisako.

Chihanda 6

Mutu wosena atela kupwa nalusesa Iwajingolo jakulisolola kwosena kupwa nge mutu shimbu kanda jishimbi.

Chihanda 7

Vatu vosena vaneseka hamwe shimbu kanda jijishimbi kaha vanalusesa Iwakuvakinga kujishimbi. Vosena vaneseka hamwe kaha kakwechi kupwa wumwe mwahambakana mukwavokoko kwesekesa nalushiko kuhona kuyanjisa chipwe kumuhandununa kuvakwavo.

Chihanda 8

Mutu wosena analusesa Iwakumukinga kuvikungulwilo vyosena navipwangako vyakutala hakuyanjisa chamutu halushimbi vahana mutu Iwakupwa wakulimanyina muchiyoyela chenyi kwesekesa nalushimbi.

Chihanda 9

Kakwechi kukakpwa kulikwachila chamutuko, kumutumbika mutolongo chipwe kuchinyina kweka.

Chihanda 10

Mutu wosena analusesa Iwakwivwilila chihande chenyi ku zango yayinene yakaye yakulimanyina, nge vanawane mutu kana anamulonga wunapandama kuchiyyoyelo chenyi.

Chihanda 11

1. Wosena navawana namulonga wawunene anajingolo jakuvangila kumuwana nge anamulonga shimbu kanda vamusopese, kaha atela kulihakwila yavene.
2. Kakwechi kukapwa kuwanyina mulonga mutuko mwomwo hakuhona kumuwanyina chihande chamulonga wawunene, kwesekesa najishimbi

jamuze mulifuchi chipwe kaye, halwola kana alvulumwine wuze mulonga.
Chipwe kakwechi kukahana mulonga wawunene wuze mutuko
kuhambakana wuze mulonga avulumine halwola kana lwakavanga.

Chihanda 12

Kakwechi kukapwa kuyanjisa mutu kwasekesa namukutwama chenyiko, tanga
yenyi, limbo lyenyi, chipwe mukusonejeka chipwe kumusawula. Mutu wosena
analusesa lwajingolo lwakumukinga lwalushimbi lwakuhona kumwivwisa woma.

Chihanda 13

1. Mutu wosena analusesa lwakulitambukila nakutwama kala kungalila
mukachi kalifuchi lyenyi.
2. Mutu analusesa lwakufuma mulifuchi lyosena nazange chipwe mulifuchi
lyenyi nakukinduluka cheka muze mulifuchi lyenyi atwama.

Chihanda 14

1. Kala mutu analusesa lwakuzanga kuwahlilila muchiyoyelo chenyi
mumafuchi eka kuchina kuhona kumusopesa.
2. Lusesa kana kalwechi kupwa nge mujila yize nayijila kwesekesa najijila
jajipi javihande vyamafuchi chipwe kavetavila kwesekesa navishinganyeka
vyakava United Nations.

Chihanda 15

1. Kala mutu analusesa lwakupwa mutu wamulifuchi kana.
2. Kakwechi kupwa kukafumisa mutu wuze nalisonekesa nakupwa mutu
wamulifuchi kana chipwe kumukanyisa kwalumuna mutu kana kupwa
wamulifuchi nazange.

Chihanda 16

1. Malunga namapwevo vanamyaka yakutumo yakusemuka, chakuhona kuvakanyisa mwomwo wamiyachi navikova, mazu akalunga chipwe numba kavafuma mulifuchi kanako, vanalusesa Iwakulimbata nakupwa najitanga. Vanalusesa Iwakulimbata, mukutwama chavo chosena hakulimbata kaha nomu nawafwa aze malwavo.
2. Kulimbata chosena navakachitavisa kwesekesa nakwitavila chavisemi jalunga napwevo vaze vanakuzanga kulimbata.
3. Tanga kana navakayikinga kuvyuma vyosena mangana vapwenga vatu vakuliyoyela muchiyoyelo kana chalifuchi.

Chihanda 17

1. Kala mutu analusesa Iwakupita wupite wukawenyi kaha numba nakulifutula navakwavo.
2. Kakwechi kukapwa kunyanga wupite wamutuko.

Chihanda 18

Mutu wosena analusesa Iwakulitambukila nakushinganyeka, mukutwama chenyi namumazu akalunga, lusesa kana elu Iwakwitavisa wuze mutu kufuma kala muchikungulwilo chamazu akalunga eka nakwingila kweka, chipwe numba wukawenyi numba navakwavo muze mungalila, kuhasa kutwalaho namazu kana nakutangisa namuvilombelo vyenyi.

Chihanda 19

Mutu wosena analusesa Iwavishinganyeka nakuhajika, lusesa kana lunapu Iwakushinganyeka vishinganyeka vyenyi chakuhona kupwa nawoma kaha nakuzanga kutambula nakunangula mazu navishinganyeka kuhichila mukala mazu amijimbu chakuhona veka kumukinga.

Chihanda 20

1. Mutu wosena anajingolo jakuhasa kulikungulula chakuhona woma kaha namumawuka.
2. Kakwechi kupwa kushinjila mutu kwingila muchikungulwiloko.

Chihanda 21

1. Mutu wosena analusesa Iwakuhanjika vihande mufulumende yalifuchi lyenyi, yikiye chipwe kuhichila muli vatu vasakula navamwimanyinako.
2. Kala mutu analusesa Iwakupwa hamwe kutachikiza vyuma mumilimo yamulifuchi lyenyi.
3. Kuzanga chavatu chikiko nachihasa kuneha jingolo jafulumende jalifuchi lyosena nachipwa chakusweka hakuvwota, chipwe kukavangiza jijila jikwavo jakuvwotelamo.

Chihanda 22

Mutu wosena hakupwa wamuchiyoyelo analusesa Iwakupwa najijila jimwe jakuhasa kupwa wakilikinga, kupwa nalisesa Iwakupwa nawupite mujila yatela lifuchi chipwe kaye yetavila muluheto, mukutwama chavatu hamwe nachisemwa kaha hawulemu nalusesa Iwakulizachila Iwakutwala milimo kana kulutwe kuli wuze mutu.

Chihanda 23

1. Mutu wosena ali nalusesa Iwakuzata milimo kwosena nazange, kukavangiza jijila jamwaza jakuzachilamo yize milimo kaha nakumukinga wuze mutu kuchina mwahona kuwana milimo.
2. Kala mutu chakuhona kulihandununa atela kutambula fweto yakutamo.
3. Wosena anakuzata analusesa Iwakutambula fweto yakutamo kwesekes namilimo anakuzata mwahasa kulikafwa nawo natanga yenyi kwesekesa nachiyoyelo chenyi, chipwe kuwana jijila jikwavo mwahasa kuwanyinamo mali akulikafwa nawo.

4. Mutu wosena analusesa Iwakuputuka chipwe kwingila muchikungulwilo nachihasa kumuhanjikilako nakumukinga mukuyoya chenyi.

Chihanda 24

Mutu wosena analusesa Iwakupwa nalwola Iwakunoka Iwaviseke, kupwa nalwola Iwamweseke Iwakuzachilamo milimo kaha najilwola nawa jakunoka vatela wuze mutu kumuhana fweto.

Chihanda 25

1. Mutu wosela analusesa Iwakupwa nachiyoyelo chakutamo kupwa mutu wamulemu hamwe natanga yenyi mukulya, mukuvwala nakulikangula kumijimba hamwe navyuma vyazangiwa kukuyoya chamutu, lusesa Iwakumukafwa halwola mwapwa tuliwe, kashinakaji chipwe mwahona vyuma vyatela kupwa vyakumukafwa mukuyoya chenyi.
2. Mapwevo navanyike vavandende vatela kupwa nalusesa Iwakuvatala kanawa, kaha mwana wuze nasemukila kweka kechi wamuze muzuvoko vatela kumulama kanawa apwenga nachiyoyelo chamwaza.

Chihanda 26

1. Mutu wosena analusesa Iwakutanga. Kutanga chosena chatela kupwa chawana, kufuma kukuputuka nakuheta kwakamwihi nakukukuma chakutanga. Kutanga chakuputukishilako chetala kupwa chawana. Kutanga chakulinangula Milimo nachipwako kaha kutanga chize chakuhambakanyisa nachipwa lika kuvat vosena kwesekesa namangana avovali nawo.
2. Kutanga chosena nachipwako kwesekesa namangana amutu mangana apwenga wakulimanyina muchiyoyelo chenyi chajingolo jamutu. Nachinehesa mutu kuhasa kumutwala kulutwe, kumuwanayisa wusepa

- mukachi kamafuchi, vatu veka naveka mawuka eka avakakwitava, kaha nachitwala milimo yavaka United Nations kulutwe mukuneha kuwunda.
3. Visemi vanalisesa Iwakusakula shikola muka chipwe kutanga muka anakuzanga chawuze mwanenyi.

Chihanda 27

1. Kala mutu analisesa Iwakuhasa kutwala chisemwa kulutwe changalila kana, kuwahlila chavyuma vyachisemwa kaha nakutambasana chisemwa kana nakuwana kuwaha chacho.
2. Mutu wosena analusesa Iwakukinga chisemwa chenyi, kwesekesa nomu navahasa veka kuhasa kuchalumuna chipwe numba kuchisoneka kwesekesa nomu nachisoneka yavene.

Chihanda 28

Mutu wosena wukwechi lusesa muvyuma vyachiyoyelo cheyi omu mukwechi jingolo jajishimbi vanavuluka kwesekesa nalushiko elu vanafwelela.

Chihanda 29

1. Mutu wosena anamulimo mungalila yize anakuyoyela yinakuya kulutwe.
2. Mulusesa kana Iwachiyulo, mutu wosena mwakapwa nalusesa Iwakukavangiza lushimbu kwesekesa najishimbi jize navaketavila nakulilemesa vatu vavene nakupwa nakavumbi muchiyoyelo chavo.
3. Lusesa Iwajingolo kana eji jakwitavila jachiyulo kanda kala Iwola kujisachisa nakuzomboka kwesekesa najishimbi javaka United Nations.

Chihanda 30

Kanda kuchifwelela nge echikulikasa kana chalufwelelo chinapandama kulifuchi limwe kahako, liwuka chipwe mutu kala lisesa Iwa jingolo mwahaha kulilingila

vyuma chipwe chuma echī nachihasa kupihisa jishimbi kana jalusesa
vanasonekako.